



30.11. 2012

Inatsisartut suleriaasianni § 37, naapertorlugu matumuuna imaattumik Naalakkersuisunut apeqquiteqarpugut:

Apeqquut: Illuut A/S-ip Nuummi inissianik, illunik attartortut akiligassaqarpallaarneri pissutigalugit anisitaasartut maannakkut innissikkallartarfissaannik (genhusning) pisortat pilersitsinialerput, qanoq iliorluni Naalakkersuisut qulakkeerniarpaat inuit inissikkallarneqartut inuppalaartumik, ataqqinassuseqartumillu avatangiiseqartillugit inissikkallarneqarnissaat?

(Inatsisartuni Ilaasortat, Knud Kristiansen, Siverth K. Heilmann, ATASSUT)

Tunngavilersuut:

ATASSUT-miit paasivarput Illuut A/S aappaagu piareertussamik Kujallerpaani Herberg-mik pilersitsiniartut 60-nik inissalimmik.

Taamatut pilersitsiniarnermi oqariartuutaaniarpoq, imminut akilersinnaanngitsoq, ineqarnermut akiliisanngikkaanni, taamaattumillugooq illu taanna inissiigallartarfissaq ullaakkut qimakkallarneqartassaaq eqqiaaneq allallu pissutigalugit, uteqqissagaannilu billet-mik pisariaqarpoq 50 kr-nillu akiliilluni.

Illugooq taanna angerlarsimaffipalaassanngeqaaq, kiisalu matoqarani, taamaallaat saajoqassaaq soorlu aamma uffarfiit anartarfiit taamaassasut.

ATASSUT-miit sakkortuumik uparuassavarput innuttaqativut, pisortat, uanilu Namminersorlutik Oqartussat pigisaanni aqutaannilu innuttaasut taamatut sullinneqarlutillu inuttut nikanarsarneqarsinnaanerak akuerisinnaanngilluinnaratsigu. ATASSUT-miit sakkortunerpaamik oqariartuutigissavarput, inuit pisinnaatitaaffii maani nunami aamma atuummata. Ilaqutariillu ajornartorsiortut, meerartaallu taama atugassaqartinneqassappata inunnik ilungersoreersunut tummaarinninneruvoq, inuttullu nikanarsaaneruvoq kanngunarnerpaaq!

ATASSUT-miit sakkortuumik Naalakkersuisut kaammattussavavut akisussaasuseqarlutik takutissagaat! Aamma pisortat suliffeqarfiutaat inunnik ikiortariaqaruartunik nikassaaffinngunnginnissaa piaarnerpaamik inississagaat.

Inussiarnersumik Inuulluaqqusilluta

ATASSUT-mi Inatsisartuni Ilaasortat.